



Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 9. Philippi II. consilium de novis Episcopatibus in Flandria erigendis.

[urn:nbn:de:hbz:466:1-66800](#)

quinquaginta aureorum millia absumpsit. **Sæcul. XVI.**
Eodem tempore & id memoria dignum **A.C. 1559.**
ab eo actum est, quod in aliquot India-
rum oppidis, quæ Lusitaniae Regi pa-
rent, sedes Episcopales constituerit,
Malacæ & Cochini: Goensem vero Epi-
scopatum ab Archiepiscopi Ulisiponensis
obedientia ob locorum longinquitatem
exemerit, eamque Metropolitanam fe-
cerit, erectis novis Episcopatibus, ex
quibus Episcopum Malacensem, & Co-
chinensem illius suffraganeos esse voluit.
Ceterum Goæ præter Cathedram Ec-
clesiam septem dantur Parochiæ, plu-
raque Monasteria, ibidemque Jesuitæ
vulgo Paulistæ nuncupantur, eoquod
amplissimum illorum Templum sit divo
Paulo sacrum, nec ibi etiam præfati Pa-
tres pileis, aut oblongis, prout in Eu-
ropa solent, vittis, sed quibusdam utun-
tur capitiis, quæ vix non speciem pi-
lei absque ora, seu solum pilei cavum
præseferunt: Præterea iidem Patres
quinque ibidem habent Collegia, eaque
sunt D. Pauli, ita dictum boni Jesu Colle-
gium, Seminarium, nec non Professo-
rum, & Novitiorum Domus.

§. IX.

*Philippi II. consilium de novis Episco-
patibus in Flandria erigendis.*

Hist. Eccles. Tom. XLIII.

S In-

Sæc. XVI.
A.C. 1559.

Insuper Paulus IV. novos instituit Episcopatus in Belgio, quod Philippi Regis imperio obnoxium erat, atque eo tempore nonnisi duos Episcopatus scilicet Cameracensem, & Ultrajectinum numerabat, quorum primus Archiepiscopo Rhemensi, alter vero Coloniensi subjiciebatur: porro præter hos erant adhuc intra Franciæ Regnum duo alii Episcopatus, Atrebatenfis, & Tornacensis. Evidem Episcopatum numerum augere jam olim Philippus bonus Burgundiæ Dux tentaverat, ac postea Carolus V. ad opus deducere moliebatur, dum hujus ditionis regimen immutare, atque septendecim illius Provincias ad unicum regnum Hispanico sceptro obnoxium reducere statuebat, cum ad hoc ab ipsis incitaretur Hispanis, quorum plurimum intererat, ut eorum Rex omnes Belgii Provincias pro summo imperio sibi subditas teneret, cum antea tanti Principis auctoritas per particularia harum Provinciarum privilegia arctis nimium limitibus circumscripta videretur, attamen nec hoc, nec novos Episcopatus instituendi consilium ad exitum ceducere poterat Carolus, astiduis, quibus involvebatur, bellis præpeditus, nihilominus hujus rei curam sedulo commendabat Philippo filio suo, postquam ei suarum ditionum regi-

regimen cesserat: ejusmodi enim con- Sæcul. XVI.
junctionem Philippus oppido necessa- A. C. 1559.
riam censebat, ut hac ratione Calvi-
nianæ hæresis venenum latius per Bel-
gium serpere prohiberet: præcipue
cum aliunde satis probe intelligeret, quod
Carolus V. ejus Pater nunquam in
Belgio Inquisitionis tribunal erigere po-
tuerit, quamvis in Flandria natus esset,
Flandrique illum majori, quam quem-
cunque alium Principem, veneratione
coluissent: cum ergo desperaret, quod
id alias Princeps a Flandris obtinere
posset, hinc aliud medium, quod præ
ipsa Inquisitione magis expeditum esset,
ad invenire oportebat.

Eapropter inter cetera Granvella-
nus Cardinalis proponebat, quod nihil
hanc in rem melius conduceret, quam
auctus Episcopatum numerus, eo quod
hoc medium una ex parte ad præsti-
tutum finem recta tenderet: altera
vero ex parte Flandris pergratum fo-
ret, cum hac ratione ab exterorum,
quibus antea in Sacris subjecti erant,
jurisdictione eximerentur: quapropter
probata Granvellani propositione,
Regis Catholici, suorumque Belgii sub-
ditorum nomine Sedi Apostolicæ sup-
plex libellus porrigitur, in quo postula-
tum, ut Cameracensis, & Trajecten-
sis Sedes ad Archiepiscopatus eveheren-
tur,

Sæc. XVI. tur, necnon instituto Mechliniensi Ar-
A.C. 1559 chiepiscopatu per varias urbes novi
 Episcopatus erigerentur.

§. X.

*Tredecim Episcopatus in Belgio
erecti.*

Onuphr. l. c. Cum ergo Philippi Regis petitio Ro-
Flor. Vander mæ æqua non minus, ac pia habe-
Hardt de ini- retur, Pontifex hanc in rem die vigesima
tio tumult. octava Aprilis Anno Domini millesimo
Belg. quingentesimo quinquagesimo nono diploma edidit, vi cuius huic Principi concessit, ut tredecim novi Episcopatus erigerentur Mechliniensi Metropolitano subiecti, iisque erant sequentes, Antwerpensis, Sylvæ-Ducis, Gandavenis, Brugensis, Ipresis, Audomarensis, Namurcensis, Harlemenensis in Hollandia, Middelburgensis in Zeelandia, Leewardensis, & Grüninganus in Frisia, Ruremundanus, & Deventinanus in Geldria.

Postea Pontifex Cameracensem, Ultrajectensem, & Melchlinensem Episcopatus ad Archiepiscopales Ecclesiævehens, in reliquis tredecim urbibus Sedes Cathedrales instituit, quas hac ratione trium Metropolitanarum suffraganeas esse voluit, & Cameracensi quidem Metropolitanæ, Atrebatum, Tornacum anti-